





17

1623

630  
12

RECIT

DES CAUSES

DE LA

DETENTION

DE MONSIEUR

le Duc de Rohan dans

Montpellier.

0

*Ensemble du Rasement de la ville  
de Liuron en Dauphiné*

M. DC. XXIII.

9.

Case

F

39

THE NEWBERRY  
LIBRARY

326

1623 8X



RECIT

DES CAUSES

DE LA DETENTION

DE MONSIEVR LE DVC

de Rohan dans Montpellier.

*Ensemble du Rasment de la ville de  
Liuron en Dauphiné.*

**L**A Paix qu'il pleust à sa Majesté donner à ses sujets Rebelles à la prise de Montpellier, fust vne action si Auguste qu'elle demeure sans exemple dans les Histoires Imperiales, Royales & populaires, car

A ij



c'est se vaincre soy-mesme que de pardonner à vn subiect ingrat & mescognoissant, & conseruer par Clemence ses villes, qui par les maximes militaires debuoiert (dās leur general rasement) seruir d'exemple aux siecles aduenir, Car l'Armée du Roy ne se vit iamais si forte qu'elle s'alloit rendre à la prise de cette ville, qui decorée jadis d'une beauté generale de ses bastimens, de Cours fort Celebres, & d'une Academie en toutes facultez tres-florissante, se void aujourd'huy plus voisine de ressembler à vne Masure qu'à vne Cité, des lors que l'Edict de Pacification fust publié, il sembloit que toute fraude debuoit cesser, mais tout au

contraire le Roy ayant donné charge à Monsieur le Marechal de Bassompierre d'aller faire obeïr quelques bicoques du Viuarets qui tenoit la riuere du Rosne subiette, tandis qu'il fist seiour à la Voutte les Rebelles de Liuron ayant surpris quelques Soldats du Regiment des Gardes, duquel dix Compagnies estoient conduittes dudit Seigneur Marechal, ils en tuerent quelques vns, qui fist que sa Majesté apres auoir fait entrée en toutes ses villes de Prouence passant par le Dauphiné pour se rendre à Lyon, trouua bon de mettre des Gouverneurs à sa deuotion

dans le Mont-limar, Die, Liuron, Nions & Serres, pour empescher les souleuemens contreson seruice, à quoy les habitans desdictes placès sont fort portez, & d'abondant pour rendre le chastiment dudit Liuron plus exemplaire, non seulement les fortificatiōs furent rasées, mais aussi la muraille a esté demolie iusqu'au fondement, n'estant resté que la Citadelle Commandée par vn Gentil-homme Catholique, & fait à remarquer, que ceux de la Religion pretenduë reformée s'estans aux premiers troubles saisis de ladite place la rendirent si forte qu'en l'année mil cinq cens



septante quatre, ils oserent attendre l'Armée Royale conduite par Monsieur du Mayne, ou le Roy Henry troisieme fust par deux fois, & voyant le peu d'importance du lieu fit leuer le siege le ieune valant pas la chandelle, grand aduantage pour le seruice du Roy qu'on ait rendu sans resistance vne place dont l'assiette estoit extremement forte & la fortification reguliere, depuis la pluspart des villes s'estant aucunement cōtenuës en leur debuoir. Il ne restoit que la ville de Montpellier qui minuant tousiours quelque nouveauté ne cherche qu'à secoüer le ioug dela

Garnison qui luy a esté iustement donnée pour refrener l'audace d'une quantité d'esprits broüillons qui sont là dedans, qui fist qu'ayant il y a quelque temps monopolé pour à leur accoustumée créer des Consuls de leur religion, & priuer les Catholiques de la maison de Ville, iugeant d'ailleurs que Monsieur de Valencé leur Gouverneur ne leur permettroit pas d'agir si absolument qu'ils souloient faire, ils escriuirent à Monsieur le Duc de Rohan de venir à eux pour fortifier leur cabale, ce que ledit Sieur de Valencé ayant appris, & mesmes le peu de diligence que  
ceux

ceux de Montauban mettoient  
à demolir leurs fortifications  
nouuelles, d'auec lesquels ledit  
Sieur de Rohan estoit party  
puis n'aguerres pour empes-  
cher toute sorte de soupçon  
de secrette intelligence auec les  
factieux, luy escriuit de ne ve-  
nir point pour lors à Mont-  
pellier, de peur que son Armée  
n'y causast quelque alteration,  
au mespris dequoy ledit Sieur  
Duc cedant aux prieres iniu-  
stes des rebelles s'y rendit vers  
la fin de Feurier pour authori-  
ser la creation de six Consuls  
de la religion pretenduë refor-  
mée, ce qui tiroit à grande con-  
sequence puis que les Catholi-

ques leurs aînez (qui sont en nombre plus de la moitié des habitans) n'estoient par la paix admis à aucunes charges politiques, joint à cela qu'incontinant la populace accourust à grand affluence au logis dudit Sieur de Rohan qui mettoit chacun en ombrage, il fust iugé à propos pour preuenir tout desordre de luy donner des gardes & s'asseurer de sa personne y ayant apparence de quelque secrette menée, en attendant sur cette occurrence le commandement du Roy, qui enclinant tousiours à la clemence a remis ledit Sieur en liberté. Acte digne des plus



grandes actions de graces que les deux freres pourroient iamais imaginer, ayans apres diuerfes escapades esprouué cōbien les armes de nostre LOVYS LE IUSTE sont prestes à tomber de ses victorieuses mains lors que ses subjects preuendront leur misere par sa misericorde, & leur supplie par treshumbles supplication à vn Prince enclin à pitié, & qui prise comme vn autre Hanniplus la perte d'vn Soldat que la prise d'vne ville.

De toutes ses procedures resulte que bien que le party Huguenot n'ayt iamais esté si foible qu'il est à present à

le prendre dès son origine, quand on y considereroit mesmes le regne de Charles neuiefme. Ce neantmoins le Roy n'a pas voulu destruire ceux qu'il espere faire instruire, de sorte qu'il n'y peut plus auoir de pretexte pour la rebellion, car lors qu'on leur a peu faire le plus grand mal, c'est lors qu'ils ont esté pris en amitié, & ont esprouué que la paix est l'vnique moyen de leur subsistance estans quand à la guerre destituez de chef, de grands, de gens & d'argent, & outre cela voyant vn Prince infatigable nourry dans les armes, & tousiours prest à son-

dre sur eux, que les plus obsti-  
nez donques se mirent aux fi-  
nistres euenemens de la rebel-  
lion d'Alemagne & sçachent  
que vaut le Prouerbe.

*Heureux celuy qui pour deuenir  
sage.*

*Du mal d'autruy fait son ap-  
prentissage.*

**F I N.**

Je n'en que les plus nobles  
des douces le plus nobles  
autres en l'air de la nobles  
non de la nobles de la nobles  
que vout le plus nobles  
Je n'en que les plus nobles  
des douces le plus nobles  
autres en l'air de la nobles  
non de la nobles de la nobles  
que vout le plus nobles









